

INUIT ATAQATIGIIT INATSISARTUNI



UKA2022/122

Ulloq saqqummiivik:06.Okt.2022

Illit atit:Mariane Paviasen

Grønlands tekniske Organisationi pillugu Inatsisartut peqqussutaata allanngortinneqarnissaa pillugu Inatsisartut inatsisaat.

(Nunalerinermut, Imminut Pilersornermut, Nukissiutinut Avatangiisinullu Naalakkersuisoq

Grønlands tekniske organitasion-i pillugu inatsiartut peqqussutaannik Naalakkersuisut §3 imm. 2-p aammalu peqqussummi oqaasertanik allannguinnissamut siunnersuutaannut qujalluta Inuit Ataqatigiinniit imaattumik oqaaseqarfigissavarput.

Siunnersuutigineqarpoq Nukissiorfiit siulersuisulerneqassasut taakkulu ulluinnarni pisortaatat aqutsisuisut ingerlatsilersussanngortinneqassasut. Siunnersuuteqarnermi tungavilersuutigineqartut tassaapput: marloqiusamik aqutsisoqalernissaq, aqutsisut akisussaaffiisa piginnaatitaanerlu ingerlaqatigiinnissaat, inuiaqatigiinni siunertaqarneranut suliffeqarfittullu imminut ingerlatitatut inissisimalernissaannut naleqqussaanerussasoq aqutsinikkut iliuuserinninniarnertut.

Nukissiorfiit nunatsinni pingaaruteqarluinnartumik ingerlataqarput taakkuppummi ulluinnarni inuuniarnitsinni pinngitsoorsinnaanngilluinnakkagut, innaallagissiorfiit, kiassarnerit, imeqarnermullu tungasut inuunniarnermi annertuumik pisariaqartitaraagut.

Tulluusimaarutigisarpaput nunatsinni innaallagissiornermut tungasumi annertuumik minguitsumik innaallagissiornermik ingerlatsiveqarnerput, aammalu annertusarneqarlutik ingerlanneqarnerat. Unammillernartunngorsimavorli innaallagissiornermi akit sinerissami

INUIT ATAQATIGIIT INATSIARTUNI



assignissarneqarnerata kingorna Nukissiorfiit ullumikkut
amigartooruteqarfiusumik aammalu aserfallatsaaliinikkut
pisariaqartitsiviulersimasumut killiffeqalersimanitsinnik, naak akitigut
assigniissarineq iluarineqaraluartoq kingunissaa qularnaatsumik
iluarsiivigineqarsimannngilaq.

Uani siunnersuumi tamanna aqqiviginiarneqartoq Inuit Ataqatigiit
maluginiarparput, siulersuisuliiniarnermi anguniarneqartut Naalakkersuisut
nikerartuusarnerinik siulersuisuliinikkut ataavarnerusumik
malinnaalluarnerusinnaasunik pilersaarussiorluarsinnaanerusunillu Nukissiorfiit
aqunneqarsinnaalernissaat anguniarneqarpoq, tamannalumi paasinarpoq
Nukissiorfiimmi ullumikkut inisisimamera eqqarsaatigalugu
kinguartooruteqarluni amigartooruteqarfiunerata killormut saatinnissaannut
pisariaqartinneqarpoq. Nukissiorfiup aningaasatigut ingerlallualernissaa
anguniarlugu ataavartumik pilersaarussiorluakkamik ingerlanneqartariaqarnera
pingaaruteqarmat.

Tusarniaasimanermi akissutit qiviaraanni ilaatigut allassimasut
malugininarnartuuvoq Nukissiorfiit siulersuisoqalersinniarnerni
piginneqatigiilluni ingerlatsivittut ingerlanissamik siunertaqartussaannngitsumik
Naalakkersuisut allassimammata, kisiannili aamma allassimalluni maleruagassat
ingerlatseqatigiiffinnut inatsimmi ilisimaneqartut assigalugit suliffeqarmmik
qullersatut aqutsineq isumagineqartussaasoq, taamanna imminut aporaattutut
oqaatigisariaqarsoraarput aammalu siunnersuummi takusinnaangilarput
siulersuisut qanoq amerlatigisut, aningaasarsiaqartinneqassanersut,
Nukissiorfinilu maanna aningaasatigut inisisimaneq eqqarsaatigalugu
siunnersuutip aningaasatigut kingunissaanik ersarissaatitsinermik
pisariaqartitsinerput oqaatigisariaqarparput.

INUIT ATAQATIGIIT INATSIARTUNI



Inuit ataqatigiinniit siunnersuut tunngaviatigut isumaqatigaarput kisiannili qulaajagassaqartoqartoq isumaqarpugut, qulaajaanissarlu anguniarlugu Apeqqutit qulaanni taakkartorneqartut akissutissarsinissaat kissaatigalugu Inuit Ataqatigiinniit inatsisissatut siunnersuut ataatsimiititaliamut susassaqartumut suliassanngortipparput.

Qujanaq